

**SESIÓN ORDINARIA DA XUNTA DE GOBERNO LOCAL CELEBRADA O DÍA 28 DE  
MARZO DE 2016.-**

**ÍNDICE DE PUNTOS**

<b>PUNTO PRIMEIRO.- ACTAS ANTERIORES.-.....</b>	<b>2</b>
<b>PUNTO SEGUNDO.- CORRECCIÓN ERRO LICENZA DE OBRA.-.....</b>	<b>2</b>
<b>PUNTO TERCEIRO.- MODIFICACIÓN DE LICENZA DE OBRA.-.....</b>	<b>2</b>
<b>PUNTO CUARTO.- LICENZAS DE OBRA.-.....</b>	<b>3</b>
<b>PUNTO QUINTO.- APROBACIÓN DAS CONTAS XUSTIFICATIVAS PRESENTADAS EN RELACIÓN Á CONVOCATORIA DE SUBVENCIÓNS PARA A PROMOCIÓN DE ACTIVIDADES LEVADAS A CABO POR ASOCIACIÓNS CULTURAIS NO EXERCICIO 2015.-.....</b>	<b>6</b>
<b>PUNTO SEXTO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDEMENTO NEGOCIADO SEN PUBLICIDADE DAS OBRAS REPARACIÓN INTERIORES EN PEGARIÑOS E OUTRO. PAI 2015.-...7</b>	<b>7</b>



Na Casa Consistorial de Ames, sendo as doce horas (12:00 h) do día vinte e oito (28) de marzo de dous mil dezaseis (2016), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do alcalde, José Manuel Miñones Conde, e coa asistencia dos/as tenentes de alcalde Genma Otero Uhía, David Santomil Mosquera, José Blas García Piñeiro, e Luisa Feijóo Montero.

Non asisten, pero xustifican a súa ausencia as concelleiras Silvia Dapena Liñares e M<sup>a</sup> Isabel Vaquero Quintela

Asiste o **interventor** José Antonio Rueda Valenzuela.

Actúa de **secretaria** a titular da Corporación, Rosa Ana Prada Queipo.

### **PUNTO PRIMEIRO.- ACTAS ANTERIORES.-**

O señor presidente pregunta aos asistentes se teñen algunha alegación que formular á acta da sesión anterior, correspondente á **sesión ordinaria do 17 de marzo de 2016**, e que foi distribuída con anterioridade, en cumprimento do establecido no artigo 91.1 do Regulamento de Organización, Funcionamento e Réxime Xurídico das entidades locais, aprobado polo Real Decreto Lexislativo 2568/1986 de 28 de novembro. (ROF).

Non formulándose alegacións polos asistentes, a Presidencia declara aprobada a acta por unanimidade.

### **PUNTO SEGUNDO.- CORRECCIÓN ERRO LICENZA DE OBRA.-**

A Xunta de Goberno Local de 5 de decembro de 2013, concede licenza de obra para a construción dunha vivenda unifamiliar no [REDACTED] expediente 2013/U008/000011, [REDACTED]

No acordo de concesión da licenza erroneamente figuraba que o NIF do solicitante era [REDACTED] (dado que así constaba na súa solicitude), sendo o NIF correcto [REDACTED]

O 23 de decembro de 2015, a Xunta de Goberno Local acepta a renuncia á licenza de obra antes referida, presentada por [REDACTED] e acorda revocar a liquidación do ICIO número 20134615002IO31L000001, no que consta como NIF o número erróneo.

A vista do anterior e do informe favorable da asesora xurídica de Urbanismo, a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Rectificar a licenza de obra concedida por acordo da Xunta de Goberno Local de 5 de decembro de 2013 a [REDACTED] (Expediente 2013/U008/000011), para a construción dunha vivenda unifamiliar na parcela con referencia catastral [REDACTED] exclusivamente no que atinxe ao NIF do solicitante. Onde di [REDACTED] debe dicir [REDACTED]

**Segundo.-** Rectificar a liquidación do ICIO número 20134615002IO31L000001 exclusivamente no que atinxe ao identificador fiscal. Onde di [REDACTED] debe dicir [REDACTED]

**Terceiro.-** Notificar o presente acordo ós interesados, facéndolles saber que por ser de mero acto de trámite non cabe interpoñer recurso ningún, sen prexuízo de que os interesados podan interpoñer os recursos que estimen convenientes.

### **PUNTO TERCEIRO.- MODIFICACIÓN DE LICENZA DE OBRA.-**

A Xunta de Goberno Local de 5 de novembro de 2015, concede licenza de obra á Estación de Servicio de Lapidó SL, co CIF B-15.609.357, para a construción dunha edificación auxiliar

para garda de consumibles, de 82,62 metros cuadrados, no lugar [REDACTED]

O 19 de febreiro de 2016 a Estación de Servicio de Lapidio SL, co CIF B-15.609.357, solicita autorización para a modificación da superficie construída e da distancia aos lindeiros, que continúa cumprindo a normativa.

#### **Expediente 2016/U022/000017**

Cualificado do solo segundo PXOM: Rústico apto para urbanizar.

Técnico redactor: Ángel Manuel González Pinto (colexiado número 321), enxeñeiro técnico industrial.

Superficie construída do proxecto inicial: 82,62m<sup>2</sup>.

Superficie construída segundo o anexo presentado: 35,28m<sup>2</sup> mais, o que supón un total de 117,90m<sup>2</sup>.

Presuposto execución material segundo proxecto inicial : 16.588,26€.

Incremento do presuposto execución material polo anexo: 3.384,73€.

A modificación mantén os cinco metros de retranqueo mínimo, ocupación máxima e altura.

Consta informe favorable da arquitecta municipal de data 10 de marzo de 2016 e da asesora xurídica de Urbanismo de data 16 de marzo de 2016.

Visto os informes obrantes no expediente, a Xunta de Goberno Local por unanimidade dos seus membros presente, previa delegación da Alcaldía (decreto 480/2016), adopta os seguintes acordos:

**Primeiro.-** Conceder, salvo dereito de propiedade e sen prexuízo do de terceiro, á Estación de Servicio de Lapidio SL, co CIF B-15.609.357, a modificación da licenza concedida por acordo da Xunta de Goberno Local do 5 de novembro de 2015, segundo o Anexo I do proxecto de almacén para ampliación de estación de servizo, visado o 17 de febreiro de 2016, redactado polo enxeñeiro técnico industrial Angel Manuel González Pinto, quedando condicionada ás mesmas previsións recollidas na dita licenza orixinal, e consistindo a modificación que se autoriza na ampliación da edificación auxiliar que pasaría de 82,62 a 117,90 m<sup>2</sup>.

**Segundo.-** Aprobar a liquidación provisional do imposto sobre construcións, instalacións e obras, que ascende á cantidade de sesenta e sete euros e sesenta e nove céntimos (67,69 €).

#### **PUNTO CUARTO.- LICENZAS DE OBRA.-**

1.- Dáse conta da solicitude presentada por [REDACTED]

[REDACTED] para a execución dunha canalización no lugar de [REDACTED] para servizo de telecomunicacións (entre os números 18 e 19 de [REDACTED] na marxe esquerda da DP 0205 Bertamiráns-Ramalloa), nunha lonxitude de 40,00 m.

#### **Expediente 2016/U022/000005**

A arquitecta municipal, Marta Bellas Rodríguez, emite informe favorable o 1 de marzo de 2016. A asesora xurídica de urbanismo, L. Carlota Díaz Tomé, emite informe favorable o 2 de marzo de 2016.

Clasificación/Cualificación do solo: Núcleo rural tradicional.

Uso permitido: Servizo de telecomunicacións.

Protección patrimonio arquitectónico, etnográfico, ambiental e cultural, canles, etc: Non afecta.

Cumprimento da normativa autonómica de accesibilidade e supresión de barreiras arquitectónicas: Non afecta.

O presuposto estimado real segundo consta no informe da arquitecta municipal: 2.308,47€.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

**Primeiro.-** Conceder, salvo o dereito de propiedade e sen prexuízo do de terceiro, a licenza de obra solicitada por **Telefónica de España, S.A.U.**, co CIF A-82.018.474, para a execución dunha canalización no lugar de Ortoñoño, parroquia de Ortoño, para servizo de telecomunicacións (entre os números 18 e 19 de Ortoñoño, na marxe esquerda da DP 0205 Bertamiráns-Ramalloa), nunha lonxitude de 40,00 m., segundo a documentación técnica que obra no expediente, redactada

**Segundo.-** A eficacia da licenza concedida quedará supeditada ao cumprimento das seguintes condicións:

- Para o desenvolvemento dos traballos, deberá coordinarse a súa execución coa Policía Local, sempre que afecte a viais ou aparcamentos que requira a reserva de espazo público, así como comunicar por escrito ao Concello (Servizo de Vías e Obras e Urbanismo) a data do replanteo, inicio e finalización do traballo, este non empezará en tanto non reciba o visto bo do Concello. No momento de realizar o replanteo das obras, ten que estar presente un técnico municipal.
- Efectuaranse tódalas medidas de seguridade necesarias e suficientes, sinalizándose as obras de maneira axeitada.
- No caso de ser necesario o crecido das tapas existentes ata a couta do pavimento rematado, este será executado a conta do titular da rede.
- A apertura das gabias realizarase mediante corte con disco do pavimento existente, e para a súa reposición cortarase cun sobreancho mínimo de 20cm. a cada lado. O recheo de gabias executarase con formigón pobre en aquelas que discorren por calzada, e nas restantes con material seleccionado procedente da escavación e, se este non fose axeitado, utilizarase zahorra, compactándose en calquera caso ata alcanzar o 95% do proctor modificado. A terminación do pavimento executarase con igual material e calidade que o existente en cada caso.
- No caso de que sexa necesaria a modificación dos viarios ou instalacións ou servizos públicos, tanto nas súas rasantes como nas súas aliñacións ou emprazamento, e sexa necesario o troco de situación das instalacións de esa Compañía para as que outorgase esta licenza, as obras referentes a estas instalacións serán por conta de esa empresa, e no prazo que se indique. No caso de non executarse neste prazo, as obras realizaranse por parte deste Concello e a cargo desa Compañía. A execución das obras desta solicitude supón a aceptación destas condicións.
- Os escombros procedentes das obras serán levados a vertedoiro autorizado, e de acordo coa normativa que regula a recollida e tratamento dos refugallo da construción.
- Rematadas as obras comprendidas na licenza, e nun prazo non superior a tres meses, farase entrega no Concello (Servizo de Vías e Obras e Urbanismo) dos planos E-1:500, en soporte papel e en soporte dixital CD, e xeoreferenciados, correspondentes ó estado definitivo das instalacións, indicando cotas e distancias a puntos fixos. No seu caso, acompañaranse ditos planos co certificado final de obras subscrito por técnico competente.

**Terceiro.-** A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de seis meses e o de terminación de un ano dende a data do seu outorgamento e non poderá interromperse por un período superior a tres meses.

**Cuarto.-** Depositárase unha fianza ou aval, por unha cantidade de mil douscentos dous euros (1.202,00 €).

**Quinto.-** Apróbase a liquidación provisional do imposto sobre construcións, instalacións e obras, que ascende á cantidade de corenta e seis euros con dezasete céntimos (46,17 euros).

2.- Dáse conta da solicitude presentada por [REDACTED] para a substitución da cuberta dunha edificación preexistente, [REDACTED] na parcela con referencia catastral [REDACTED] segundo o proxecto técnico redactado polo enxeñeiro técnico Pablo Xosé Pouso Iglesias, colexiado 1576.

### **Expediente 2016/U022/000008**

A arquitecta municipal, Marta Bellas Rodríguez, emite informe favorable o 15 de marzo de 2016. A asesora xurídica de urbanismo, L. Carlota Díaz Tomé, emite informe favorable o 16 de marzo de 2016.

Cualificación do solo: Núcleo rural disperso

Superficie obra (cuberta a reparar): 109,37 m<sup>2</sup>

Altura, volumes e ocupación da parcela permitidos: Altura máxima: 7m, Ocupación máxima: 30%.

Presuposto de execución material segundo o proxecto: 9.377,33 €.

Técnico autor do proxecto: Pablo Xosé Pouso Iglesias, colexiado 1576, enxeñeiro técnico industrial.

Descrición das obras: O proxecto reflicte as obras de substitución da cuberta a catro augas dunha vivenda a unha nova a dúas augas coa retirada dos elementos vellos, vigas, viguetas e execución de estrutura de formigón prefabricado apoiada en tabiques LHD e colocación de tella do pais sobre plancha de fibrocemento.

Prevé dúas ventás nas fachadas laterais para o espazo baixo cuberta e á escaleira de acceso. Non prevé uso vivideiro no baixo cuberta; ese suposto requiriría dunha nova tramitación e do correspondente proxecto.

Con arranxo ao proxecto non existen elementos de fibrocemento preexistentes que polo contido en amianto requira da intervención dunha entidade homologada para a súa retirada.

En aplicación da Ordenanza Fiscal reguladora da taxa pola expedición de licenzas urbanísticas, efectuouse un ingreso por un importe de 193,71 euros.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

**Primeiro.-** Conceder, salvo o dereito de propiedade e sen prexuízo do de terceiro, a licenza de obra solicitada por [REDACTED] para a substitución da cuberta dunha edificación preexistente, [REDACTED] na parcela con referencia catastral núm. [REDACTED] segundo o proxecto técnico redactado polo enxeñeiro técnico Pablo Xosé Pouso Iglesias, colexiado 1576.

**Segundo.-** A eficacia da licenza concedida quedará supeditada ao cumprimento das seguintes condicións:

As sinaladas no informe da arquitecta municipal:

- A obra deberá axustarse ao proxecto en base ao cal se lle outorga a licenza.
- Cando o director dunha obra deixe de actuar nela, poñerá en coñecemento do Concello. O propietario nomeará e trasladará ao Concello o nomeamento do novo facultativo director da obra.
- En todos os casos disporase, a pé de obra, de copia autorizada da licenza municipal e do proxecto.
- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública.
- Os escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.
- Ao remate das obras o propietario porá en coñecemento do Concello co certificado final de obra visado e asinado polos técnicos directores de obra.

As sinaladas no informe da asesora xurídica de Urbanismo:

- Procederase a colocar un cartel identificativo da obra, no que conste o nome e apelidos dos técnicos directores e do contratista, ordenanza que se aplica, usos aos que se vai destinar a construción, data de expedición da licenza, prazo de execución das obras, número de plantas autorizadas e número de expediente.
- Os condutores de camiós e os responsables das obras deberán coidar de que as rodas dos mesmos estean limpas de barro antes de acceder á vía pública, así como que a citada vía quede limpa. Deberán adoptar as medidas pertinentes relativas á seguridade vial previstas nas normas de circulación e aquelas que no seu caso lle foran ordenadas polos axentes da autoridade.
- Terase a disposición do persoal do Concello exemplares dos planos selados e aprobados, así como da licenza expedida.

**Terceiro.-** A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de seis meses e o de terminación de tres anos dende a data do seu outorgamento e non poderá interromperse por un

**Cuarto.-** Aprobar a liquidación provisional do imposto sobre construcións, instalacións e obras (ICIO), que ascende á cantidade de cento oitenta e sete euros con cincuenta e cinco céntimos (187,55 euros).

**PUNTO QUINTO.- APROBACIÓN DAS CONTAS XUSTIFICATIVAS PRESENTADAS EN RELACIÓN Á CONVOCATORIA DE SUBVENCIÓNS PARA A PROMOCIÓN DE ACTIVIDADES LEVADAS A CABO POR ASOCIACIÓNS CULTURAIS NO EXERCICIO 2015.-**

A Xunta de Goberno Local de 15 de maio de 2015 deu aprobación ás bases da Convocatoria de Subvencións para Promoción de actividades levadas a cabo por Asociacións Culturais do Concello de Ames para actividades levadas a cabo no exercicio 2015 (BOP nº 97 de 26 de maio de 2015).

En data 5 de novembro de 2015, a Xunta de Goberno aprobou o reparto de achegas con cargo á “Convocatoria de Subvencións para Promoción de Actividades levadas a cabo por Asociacións Culturais do Concello de Ames. Exercicio 2015”

Rematado o prazo de presentación da documentación xustificativa esixida polas bases reguladoras da convocatoria, o órgano xestor emitiu en data 15 de marzo de 2016 informe ao respecto.

Vista a proposta de 16 de marzo do Concelleiro Delegado de Educación e Cultura e a fiscalización por dilixencia da Intervención Municipal (Informe 59/16), a Xunta de Goberno Local por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Aprobar as contas xustificativas presentadas polas seguintes entidades dentro do prazo sinalado na base 8ª do procedemento, e xustificando gasto por un importe suficiente para acceder á achega concedida:

Entidade	CIF	Importe da achega a abonar
ASOC. DE VECIÑOS MONTE DO GREGO	G15793169	830,00 €
ASOC. RECRE.,DEP. E CULTURAL LOJO BATALLA	G15200165	1.000,00 €
ASOCIACIÓN EDUCATIVA CULTURAL MUSICREARTE	G70041587	2.090,00 €
ASOC. CULTURAL ANTONIO SANTOMIL	G15351489	1.800,00 €
ASOC. CULTURAL FOLLAS NOVAS	G15719313	3.480,00 €
ASOC. DE VECIÑOS SAN PAIO DE LENS	G70318258	759,00 €
ASOC DE VECIÑOS SAN PEDRO DE BUGALLIDO	G 15407976	550,00 €
ASOC. SOCIOC. MULLERES DE SAN XOÁN	G70438486	1.450,00 €

**Segundo:** Aprobar a conta xustificativa presentada polas seguintes entidades, dentro do prazo sinalado na base 8ª do procedemento, pero xustificando gasto por un importe insuficiente para acceder á achega concedida, polo que esta deberá experimentar a correspondente redución proporcional:

Entidade/CIF	Achega concedida	importe a xustificar// Importe xustificado	Importe da achega a abonar
ASOCIACIÓN CULTURAL A SILVA/ G70159264	1.200,00 €	3.000,00 €// 2.075,00€	830,00 €
ASOC. CULT OS CASTROS /G15389026	5.741,78 €	9.899,63€// 9.529,12€	5.526,89 €
ASOC. CULTU. A MADALENA/	1.800,00 €	4.650,00€//	1.465,81 €

G15376643		2.931,62€	
-----------	--	-----------	--

**Terceiro.-** Acordar a perda da achega concedida por parte das seguintes entidades, polas razóns que en cada caso se indican:

Entidade/CIF	Achega concedida	importe a xustificar// Importe xustificado	Proposta formulada polo órgano xestor
ASOCIACIÓN AMIGOS CAMIÑO PORTUGUÉS/ G70391990	1.503,14 €	Xustifican gasto inferior ao 50% do orzamento subvencionado.	Perda da subvención
ASOCIACIÓN CULTURAL A MAHIA /G15038987	1.375,00 €	Xustifican gasto inferior ao 50% do orzamento subvencionado.	Perda da subvención

**Cuarto.-** Dar traslado aos interesados e aos departamentos municipais afectados.

**PUNTO SEXTO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDEMENTO NEGOCIADO SEN PUBLICIDADE DAS OBRAS REPARACIÓN INTERIORES EN PEGARIÑOS E OUTRO. PAI 2015.-**

Dáse conta á Xunta de Goberno Local da lista por orde decrecente da puntuación e proposta de adxudicación que formula a mesa de contratación no procedemento negociado sen publicidade para a adxudicación das obras de **Reparación interiores en Pegariños e outro.**

A mesa de contratación, na súa reunión do día catorce de marzo de 2016, unha vez valoradas convenientemente as ofertas dos licitadores, elaborou unha lista de licitadores ordenada de xeito decrecente segundo a puntuación obtida por cada un deles e propón a adxudicación das obras á empresa **Construcciones Ponciano Nieto SL**, por ser a que obtivo a maior puntuación, segundo os criterios establecidos no prego de cláusulas administrativas, resultando a puntuación total obtida por cada un dos licitadores a seguinte:

LICITADOR	PUNTUACIÓN REFERENCIAS TÉCNICAS	PUNTUACIÓN OFERTA ECONÓMICA	PUNTOS TOTAIS
CONSTRUCCIONES NEMESIO ORDÓÑEZ SA	46,00	22,88	68,88
CONSTRUCCIONES Y OBRAS ANDÚJAR SL	42,50	36,70	79,20
MARTÍNEZ MONTES E HIJOS SL	43,89	30,44	74,33
EULOGIO VIÑAL OBRAS Y CONSTRUCCIONES SA	45,25	32,20	77,45
EXCAVACIONES POSE SL	43,05	31,90	74,95
EXCAVACIONES OVIDIO SL	41,30	26,93	68,23
OBRAS Y VIALES DE GALICIA SL	47,00	34,10	81,10
CONSTRUCCIONES PONCIANO NIETO SL	44,90	40,00	84,90

Visto o que antecede a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Clasificar por orden decrecente de puntuación as empresas participantes no procedemento de licitación das obras **Reparación interiores en Pegariños e outro**, do seguinte xeito:

LICITADOR	PUNTUACIÓN REFERENCIAS TÉCNICAS	PUNTUACIÓN OFERTA ECONÓMICA	PUNTOS TOTAIS
CONSTRUCCIONES PONCIANO NIETO SL	44,90	40,00	84,90
OBRAS Y VIALES DE GALICIA SL	47,00	34,10	81,10
CONSTRUCCIONES Y OBRAS ANDÚJAR SL	42,50	36,70	79,20
EULOGIO VIÑAL OBRAS Y CONSTRUCCIONES	45,25	32,20	77,45



<b>SA</b>			
<b>EXCAVACIONES POSE SL</b>	43,05	31,90	<b>74,95</b>
<b>MARTÍNEZ MONTES E HIJOS SL</b>	43,89	30,44	<b>74,33</b>
<b>CONSTRUCCIONES NEMESIO ORDÓÑEZ SA</b>	46,00	22,88	<b>68,88</b>
<b>EXCAVACIONES OVIDIO SL</b>	41,30	26,93	<b>68,23</b>

**Segundo.-** Declarar que as características esenciais da licitación para o clasificado en primeiro lugar, **Construcciones Ponciano Nieto SL**, con CIF B-15293145 son as seguintes:

**A.- Prezo:** O importe da oferta do dito licitador ascende á contía de corenta e dous mil catrocentos setenta e nove euros e vinte e un céntimos **(42.479,21.- euros)** sen IVE.

**B.- IVE repercutible:** A contía do IVE repercutible ao tipo do 21% ascende a contía de oito mil novecentos vinte euros e sesenta e tres céntimos **(8.920,63.- euros)**,

**C. Prazo de execución:** O prazo de execución do contrato será de **6 meses**, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

**D.- Resto de condicións:** O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

**Terceiro.-** Notificar o presente acordo aos licitadores.

**Cuarto.-** No prazo de dez días hábiles, contados a partir do día seguinte ao da notificación do presente acordo, o licitador clasificado en primeiro lugar deberá presentar a seguinte documentación imprescindible para, de ser o caso, proceder á correspondente adxudicación:

- Certificación acreditativa de estar ao corrente no cumprimento das obrigas tributarias e coa seguridade social.
- Documento acreditativo de ter constituída (en calquera das formas establecidas nos artigos 96 e 98 do TRLCSP, nas condicións previstas no artigo 97 do mesmo texto legal) unha **garantía definitiva por un importe de 2.123,96 €** segundo se especifica nos pregos que rexeron para a licitación correspondentes ao 5% do prezo de adxudicación excluído o imposto sobre o valor engadido.
- Documento xustificativo, de ser caso, de reembolso ao concello do importe dos anuncios de licitación.
- Deberá tamén presentar a seguinte documentación:

**A) Documento acreditativo da personalidade xurídica do empresario**

**A-1) Empresario individual:** fotocopia do NIF, pasaporte ou documento que o substitúa.

**A-2) Persoas xurídicas:**

- escritura de constitución ou modificación no seu caso, inscrita no Rexistro Mercantil, cando este requisito fose esixible conforme á lexislación mercantil que lle sexa aplicable.

Se non o fora: escritura ou documento de constitución, de modificación, estatutos ou acto fundacional, no que conste as normas polas que se regula a súa actividade, inscritos, no seu caso no correspondente rexistro oficial.

- Fotocopia da tarxeta de código de identificación fiscal (CIF), debidamente compulsada.

**A-3) Empresas non españolas de Estados membros da Unión Europea**

A capacidade de obrar das empresas non españolas de estados membros da Unión Europea acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou un certificado, nos termos que se establezan regulamentariamente, de acordo coas disposicións comunitarias de aplicación.

**A.4) Empresas non españolas de estados signatarios do Acordo sobre o Espazo Económico Europeo (Islandia, Liechtenstein e Noruega)**

A capacidade de obrar destas empresas acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou dun certificado, nos termos que se establezan regulamentariamente, de acordo coas disposicións comunitarias de aplicación (disposición adicional 14 TRLCSP).

**A-5) Demais empresas estranxeiras**

1. -Os demais empresarios estranxeiros deberán acreditar a súa capacidade de obrar cun informe da Misión Diplomática Permanente de España no Estado correspondente ou da oficina consular en cuxo ámbito territorial radique o domicilio da empresa.

2. -Informe de reciprocidade: as persoas físicas ou xurídicas de estados non pertencentes á Unión Europea deberán xustificar mediante un informe expedido pola Misión Diplomática Permanente Española, na que se faga constar que o Estado de procedencia da empresa admite á súa vez a participación de empresas españolas na contratación coa Administración en forma substancialmente análoga.

**A-6) Disposición común a empresas estranxeiras (comunitarias ou non comunitarias): declaración de sometemento á xurisdición de tribunais e xulgados españois.**

As empresas estranxeiras deberán presentar unha declaración de sometemento á xurisdición dos tribunais e xulgados españois de calquera orde, para todas as incidencias que de modo directo ou indirecto puidesen xurdir do contrato, con renuncia no seu caso, ao foro xurisdiccional estranxeiro que puidese corresponder ao licitante (art. 146.1.e da TRLCSP)

**A-7) Empresas estranxeiras non comunitarias: sucursal en España**

De acordo co art. 55.2 da TRLCSP, non se esixe dado que non se trata dun contrato de obras.

**B) Poderes**

Cando o licitador non actúe en nome propio ou se trate de sociedade ou persoa xurídica, deberá acompañarse dun poder notarial para representar á persoa ou á entidade en cuxo nome concorre ante a administración contratante.

O poder deberá figurar inscrito previamente no Rexistro Mercantil nos casos en que a dita inscrición sexa esixida polo Regulamento do Rexistro Mercantil

**B-1) Verificación de poderes**

Os poderes a que se refire o apartado b) da presente cláusula deberán bastantearse previamente polo secretario da corporación ou por un funcionario habilitado.

**C) Prohibicións para contratar ou incompatibilidades**

Declaración responsable de que a empresa interesada non se acha incurso en ningunha das prohibicións para contratar ou incompatibilidades establecidas no artigo 146 e 60 da TRLCSP, axustado ao modelo que se transcribe a continuación.

A declaración incluírá a manifestación de estar ao día no cumprimento das obrigas tributarias e coa Seguridade Social impostas polas disposicións vixentes e o feito de non ter débedas en período executivo co Concello de Ames, sen prexuízo de que a xustificación acreditativa de tal requisito debe de presentarse antes da adxudicación polo empresario a cuxo favor se vaia efectuar esta, axúntase modelo

"D/Dª..... con DNI..... e domicilio en..... actuando en nome e representación da empresa..... con domicilio en..... e CIF..... á que representa no procedemento de adxudicación do contrato denominado "....." (ou actuando en nome propio).

**DECLARA**

*Que nin a empresa nin os seus administradores ou órganos de dirección están incursos en prohibicións de contratar coa Administración establecidas no art. 60 e 146.1.c) da TRLCSP.*

*Así mesmo declara que se acha ao corrente do cumprimento das obrigas tributarias e coa*

*(Lugar, data e sinatura do proponente)"*

**D) Acreditación da clasificación**

Ver pregos de cláusulas administrativas particulares.

**E) Acreditación de solvencia económica e financeira e solvencia técnica**

Os licitadores deberán

- E.1.** - Acreditar a solvencia económica e financeira por calquera dos medios a que se refire a cláusula sétima do prego de cláusulas administrativas particulares.
- E.2.** - Acreditar a solvencia técnica mediante calquera dos medios a que se refire a cláusula sétima do prego de cláusulas administrativas particulares.

**F) Datos identificativos do licitador**

Enderezo, nº teléfono, nº fax e correo electrónico do empresario e do seu representante, se é o caso, para as comunicacións con este Concello.

O empresario, ao presentar a súa oferta, dá o seu consentimento a estas formas de comunicación citadas no parágrafo anterior.

**G) Unións temporais de empresas**

Indicación dos nomes e circunstancias das empresas que a constitúen, participación de cada unha delas e compromiso de constituírse formalmente en UTE caso de resultar adjudicatarias, de conformidade co artigo 59 da TRLCSP e cláusula 7 do presente prego.

**H) Declaración de empresas vinculadas**

No suposto de que a empresa concorra á licitación con empresas pertencentes a un mesmo grupo, nos termos a que se refire o art. 145 da TRLCSP, presentárase necesariamente unha declaración indicando esta circunstancia e o nome ou denominación social destas, debendo constar este documento en cada unha das ofertas formuladas por todas as empresas vinculadas que concorran á licitación.

De non presentarse a citada documentación no prazo conferido non se poderá proceder a adjudicación do contrato ao licitador clasificado en primeiro lugar.

**Quinto.-** Facultar ao señor alcalde, para cantas actuacións sexan precisas para a mellor execución do acordado.

E non habendo máis asuntos que tratar levántase a sesión ás doce horas e trinta minutos, estendéndose a presente acta que asina o señor presidente, do que certifico.